

Թեանն ետես ի հին այսմաւուրս լատինաց կամ ունաց զայլս, և մնացին սորա միայն զոր դեռ ևս ոչ է տեսեալ, այսինք թէօտօթայ պոռնկի մակեղօնեայ փիլիսոսայ քաղաքէ: Եւ ստրատօնիկայ կուսի և սելևկոսի փեսայի նորա շիսցիկօ քաղաքէ ի սփօնթէ գաւառի որ է ի յասիայ: Եւ կարելի էր որ Պօլլանտի գրեանց շինողքն որ յիշեցեալ գրեանքս առ նոսա հասեալ կայ և ըստ աւուրց ամօոց կարգաւորին զվարս սրբոց մարտիրոսաց և խոստովանողաց, գտանել կարիցեն զանուանս համայնից ի բազմաթիւ այսմաւուրս, որս առ նոսա գտանին զանագան հեղինակաց և լեզուաց. և կամ թէ առ ձեզ գուցէ ևս գտանիցի ի հնագոյն ձեռագիր գրեանս զսոցին վարս և զայլոցն:...

1758 տեպ. 16
[Հոռովմ]

Նուաստ ծառայ
Յովսէփ եպսկ. [Ստեփանեան]

ՄԺԶ.

Ամիթ քաղաքին (Տիգրանակերտ) մէջ պատահած ահուկի սովի մը համառօտ տեղեկութիւնն է որ կը նկարագրուին հետագայ երկու նամակներուն մէջ:

Ա.

Գերապատիւ տեառն Արքայ ձայր Ստեփաննոս Աստուածարանութեան վարդապետի յոյժ բազում սիրով և յարգութեամբ ողջոյն և սեր մատուցանեմք

... դարձեալ յայտ լիցի ձեզ որ դեկտեմբերի 17 աւուրն եկեալ հասին ի հոռմ մեր միքայէլ հոգեւոր տէրն և ի զմիրցի յովաննէս եպիսկոպոսն և լիբանանեան Հ. Ղուկասն, և ընդ նոսա այլ երկու դպիրք մինն կրօնաւոր ուխտեալ, եմուտ ի դպրատունն սրբոյ ժողովոյն և միւսն առ ի սպասաւորել ի հիւրանոցի մերոյ. և բազում իրս պատմեցին սակս անցեալ սովու և սղութեանն որ եղև յարեւելս, ի մէջ որոց յամիթ քաղաքի գրէ թէ 450 տղայ մանուկ անյայտ եղեալք և կորեալք. ուստի ի բողոքել ծնողաց նոցա առ դատաւորս, հրաման ելեալ ի կասկածելի տեղիսն որոնել, որ և իսկ ի միում տան տաճկի 13 գագաթ մանկանց տեսեալ. զեօթն անձն ի տանէ այնմիկ կալեալ ի մէջ հրապարակին սրով զզուիս նոցա հատեալ: Եւ այսպէս ի բազում տեղիս զմիս մարդկանց ի սովու կերեալք, թող թէ շանց և կատուից և գրաստուց ոչ միայն կենդանեացն, այլ ևս ի սովու անկեալ մեռելոցն: Եւ այլ անտանելի իրս, զորս գրելն ոչ է պատեհ. և բաց այս մանէ հոգեւոր սով և հալածանք ի տեղիս տեղիս. և անթիւ բազմութիւնք մեռելոց, ոմանք ի սովու և ոմանք ջերմութեամբ:... Հոգեւոր տէրն մեր և վրդանէս և յովանէս եպիսկոպոսքն և այլք ամենայն բարեկամք յոյժ բազում սիրով ողջոյն մատուցանեն ձեզ և զսուրբ տօնն Նինդեան և զնոր տարի ձեզ և հասարակութեան ձերում շնորհաւորեն:...

Յամի տեառն 1758
Գեկտ. 23
[Հոռովմ]

Նուաստ ծառայ
Յովսէփ եպիսկոպոս [Ստեփանեան]